



LAPORAN LIPUTAN MEDIA

ISNIN / 18 SEPTEMBER 2023

- 1. ISU BERAS PUTIH DIJANGKA SELESAI AKHIR TAHUN – BERITA HARIAN**
- 2. KEDAI RUNCIT DI JERANTUT ‘KERING’ BEKALAN BERAS – BERITA HARIAN**
- 3. NASI PUTIH NAIK HARGA ATAU KURANGKAN KUANTITI – KOSMO**

DISEDIAKAN OLEH:

CAWANGAN KOMUNIKASI KORPORAT (MADA)

KERATAN AKHBAR : BERITA HARIAN

TARIKH : 18 SEPTEMBER 2023

PERKARA : ISU SEMASA

50,000 hektar kawasan baharu padi di Sabah, Sarawak jamin bekalan beras putih tempatan

Kuala Lumpur: Seluas 50,000 hektar tanah di Sabah dan Sarawak dikenal pasti untuk dibangunkan sebagai kawasan baharu penanaman padi, sekali gus dapat menjamin bekalan beras putih tempatan untuk jangka panjang. Bagi menangani kekurangan bekalan makanan ruji hasil sawah domestik ketika ini, bahagian Kawalselia Padi dan Beras, Kementerian Pertanian dan Keterjaminan Makanan (KPKM) merangka beberapa langkah

segera dan menjangka isu itu dapat dilatasi sepenuhnya menjelang penghujung tahun ini.

Untuk projek penanaman padi seluas 50,000 hektar di Sabah dan Sarawak, peruntukan akan dikeluarkan Kementerian Kemajuan Desa dan Wilayah (KKDW) dan diselaraskan dengan Kementerian Pembedaan Pertanian Sarawak.



Isu beras putih dijangka selesai akhir tahun

Dari Muka 1

Perkembangan itu dimaklumkan Timbalan Perdana Menteri yang juga Menteri Kemajuan Desa dan Wilayah, Datuk Seri Ahmad Zahid Hamidi selepas menghadiri program Santuni Rakyat di Sekolah Kebangsaan (SK) Haji Bujang di Sebanggan, Sebuyan, Sarawak, semalam.

BERNAMA melaporkan, Ahmad Zahid berkata, perkara itu dipersetujui secara prinsip oleh Premier Sarawak, Tan Sri Abang Johari Tun Openg, namun pelaksanaannya memerlukan sedikit masa.

Katanya, peruntukan projek itu yang akan dikeluarkan KKDW perlu dikoordinasikan dengan Kementerian Pembedaan Pertanian Sarawak, selain perlu juga mendapatkan persetujuan pemilik tanah, terutamanya yang membabitkan tanah adat.

"Jenis padi yang akan ditanam pula adalah mengikut kesesuaian tanah di Sabah dan Sarawak. Saya fikir kosnya di sini agak tinggi, namun itu perkara kedua. Apa yang penting, mesti

ada kemampuan sara diri, maknanya 'self sufficiency' untuk bekalan beras," katanya.

Menurut Timbalan Perdana Menteri, penduduk di kawasan luar bandar dan pedalaman wajib diberi keutamaan untuk sebarang projek pembangunan, terutamanya di Sarawak, dengan 1.4 juta penduduknya tinggal di kawasan luar bandar dan pedalaman.

"Sarawak sudah mencapai kemerdekaan selama 60 tahun, menjadi tanggungjawab bersama Kerajaan Persekutuan dan negeri membangunkan kawasan luar bandar dan pedalaman," katanya.

Perangsaan setakat 2021 menunjukkan kawasan bertanam padi seluruh Malaysia hanya kira-kira 700,000 hektar berbanding sawah di Thailand dan Vietnam, masing-masing seluas 10 juta hektar dan 7.5 juta hektar.

Isu kebergantungan negara kepada bekalan makanan import turut menjadi tumpuan perbincangan usul Kajian Separuh Penggal Rancangan Malaysia Ke-12 (RMK-12) di Dewan Rak-

yat, minggu lalu.

Antara lain, KPKM digesa merangka pelan jangka pendek dan panjang bagi mengurangkan kebergantungan kepada beras yang kini hanya 65 peratus dikeluarkan dalam negara, termasuk mula merumpukan usaha menghasilkan makanan secara domestik dengan pengemblemn agensi dan jabatan berkaitan.

Selain itu, kementerian berkenaan menerusi agensi berkaitan digesa memastikan bekalan barangan asas sentiasa terjamin, terutamanya ketika negara berdepan isu keterjaminan makanan sejak pandemik COVID-19 melanda dunia.

Deri 103 lesen borong

Dalam perkembangan berkaitan, Ketua Pengarah Kawalselia Padi dan Beras KPKM, Datuk Azman Mahmood, berkata isu kekurangan beras putih tempatan dijangka dapat dilatasi sepenuhnya menjelang penghujung tahun ini menerusi beberapa langkah segera diambil pihak-

Katanya, satu pertemuan bersama pengusaha restoran, peniaga kecil serta pihak berkaitan diadakan di Putrajaya baru-baru ini bagi membincangkan inisiatif segera untuk memastikan bekalan beras tidak terjejas di pasaran.

Beliau berkata, mesyuarat bersetuju untuk memberikan 103 lesen borong kepada pemborong kecil dan melaksanakannya, pengusaha makanan bernaung di bawah persatuan peniaga makanan dapat membeli Beras Putih Import (BPI) pada harga borong RM160 untuk 50kg (harga pintu gudang).

"Diskaun untuk peniaga membeli beras import bagi tujuan perniagaan adalah antara langkah diambil, selain menambah bekalan beras di pasar raya besar.

"Persatuan juga boleh mengeluarkan jenama sendiri jika berjaya mendapat lesen borong dan ia memberi manfaat dari segi perniagaan mereka.

"Kita juga bersetuju beras 'basmathi' adalah beras istimewa dan tidak tertakluk kepada

harga borong BPI, sebaliknya tertakluk kepada harga pasaran yang ditentukan oleh pasaran semasa," katanya seperti dilaporkan *Harian Metro*, semalam.

Dari segi langkah intervensi, Azman memaklumkan, pihaknya juga menetapkan bekalan di 41 'outlet' Lembaga Pemasaran Pertanian Persekutuan (FAMA) dan 1,400 'outlet' Lembaga Pertubuhan Peladang (LPP) di seluruh negara.

Sehubungan itu, beliau yang juga Setiausaha Bahagian, Bahagian Pembangunan Industri Padi KPKM berharap langkah intervensi menerusi kerjasama antara agensi akan membolehkan orang ramai mendapatkan bekalan beras tempatan di 'outlet' yang disenaraikan.

Terdahulu pada 1 September lalu, Padiberas Nasional Bhd (BERNAS) menyelaraskan harga jualan beras putih import seluruh negara daripada RM2,350 satu tan kepada RM3,200 satu tan, sejajar dengan harga terkini beras putih import di pasaran antarabangsa.

KERATAN AKHBAR : BERITA HARIAN
TARIKH : 18 SEPTEMBER 2023
PERKARA : ISU SEMASA

Kedai runcit di Jerantut 'kering' bekalan asas

Beras tempatan, telur serta minyak peket tak cukup penuhi permintaan

Oleh Roselan Ab Malek
bhnews@bh.com.my

Jerantut: Kebanyakan kedai runcit di daerah ini berdepan isu kekurangan bekalan beras tempatan, telur dan minyak masak peket sejak beberapa bulan lalu, sekali gus tidak dapat memenuhi permintaan tinggi daripada pengguna.

Pengusaha kedai runcit, Mohd Nor Mahmud, 43, berkata kebanyakan beras yang diedar pembekal ketika ini adalah beras import dan mendakwa bekalan beras tempatan tidak mencukupi.

"Biasanya saya tempah 50 kampak beras seminggu, tetapi

jarang dapat. Setakat ini, selepas dua bulan menunggu, hanya sekali saya dapat 50 kampak, manakala pada minggu-minggu lain, pembekal kata tiada stok.

"Biasanya, pembekal memberi alasan bahawa permintaan beras ketika ini tinggi, selain stok tiada di kilang," katanya sambil memaklumkan pemerhatiannya mendapati kebanyakan beras tempatan, telur dan minyak masak peket di hantar ke pasar raya.

Beras import tak terjejas

Katanya, bekalan beras import tidak berdepan masalah kerana harganya bergantung kepada jenama, bukan dikawal, manakala beras putih tempatan dijual pada harga tetap RM26 untuk kampak 10 kilogram.

"Bagaimanapun, harga runcit bagi beras import 10 kilogram turut berdepan kenaikan. Bagi telur dan minyak masak peket, turut sukar mendapatkan bekalan. Sejak beberapa minggu lalu, saya hanya memperoleh 20 sarang telur dan satu kotak minyak masak peket.

"Ramal pelanggan tetap me-

rungut, terutama peniaga kedai makan kerana sukar mendapatkan barangan berkenaan," katanya.

Tinjauan turut mendapati, beberapa pasar raya di bandar ini juga berdepan masalah bekalan beras putih tempatan, telur dan minyak masak peket, menyebabkan hanya beras import serta telur jenis Omega dijual.

Sementara itu, peniaga kedai makan yang ditemui, mengakui sukar mendapatkan beras tempatan, telur dan minyak masak peket, sekali gus menyebabkan kos operasi harian meningkat kerana terpaksa membeli beras import serta telur Omega yang lebih mahal.

Keadaan itu, katanya, menyebabkan peniaga terpaksa menggunakan pemerhati atau 'pengintip' di pasar raya untuk memaklumkan jika ada stok baharu sampai.

"Namun, apabila stok baharu sampai, pasar raya akan 'diserbu' menyebabkan bekalan habis dibeli dalam beberapa jam sahaja," katanya yang enggan dikenali.



Mohd Nor menunjukkan hanya beras import terdapat di kedainya di Jerantut, semalam.

(Foto Roselan Ab Malek/BH)



Tinjauan di sebuah pasar raya turut berdepan masalah bekalan telur.

KERATAN AKHBAR : KOSMO

TARIKH : 18 SEPTEMBER 2023

PERKARA : ISU SEMASA

Peniaga masih menunggu tindakan kerajaan tangani isu beras

Nasi putih naik harga atau kurangkan kuantiti

Oleh LUQMAN RIDHWAN MOHD. NOR

IPOH - Peniaga makanan mempertimbangkan untuk menaikkan harga nasi putih sepinggan atau mengurangkan kuantiti nasi dalam masa terdekat sekiranya masalah bekalan beras tempatan terus berlanjutan.

Tinjauan Kosmo! di sekitar bandar raya Ipoh dan kawasan sekitarnya mendapati, rata-rata peniaga masih menjual nasi putih antara RM1 hingga RM2 sepinggan.

Menurut seorang pembantu restoran dikenali sebagai Mohd. Murshid, 36, kedai makannya masih mengekalkan harga jualan nasi putih pada kadar RM1 sepinggan, namun tidak menolak kemungkinan menaikkan caj dikenakan bagi sepinggan makanan ruji tersebut.

"Buat masa ini kami masih



HARGA beras melambung naik menyebabkan peniaga pertimbang menaikkan harga nasi putih.

bersabar dengan situasi semasa dan berharap kerajaan dapat mengatasi masalah bekalan beras tempatan ini.

"Bagaimanapun, jika keadaan ini berterusan, tidak mustahil

harga nasi putih dinaikkan dari RM1 kepada RM1.20 atau RM1.50 sepinggan," katanya kepada Kosmo! di sini semalam.

Baru-baru ini harga beras tempatan didakwa kekurangan stok sehingga menyebabkan harga beras import naik melambung.

Sementara itu, seorang peniaga, Mohd. Ariff Ghazali, 44, berkata, mereka berkemungkinan akan mengurangkan kuantiti nasi putih sepinggan jika

masalah tersebut masih berterusan.

Katanya, langkah itu terpaksa diambil kerana dia tidak mahu menaikkan harga jualan nasi putih dan membebankan para pelanggannya.

"Jadi, saya berpandangan biarlah kuantiti nasi putih sepinggan dikurangkan sedikit daripada biasa. Saya percaya pelanggan memahami apa yang sedang kami lalui ketika ini," katanya.

Katanya, sekiranya pelanggan mahukan kuantiti nasi seperti biasa atau lebih daripada itu, mereka haruslah membayar lebih kerana akan dianggap sebagai nasi tambah.

Seorang pelanggan, Mohd. Hamdan Khairil Anwar, 29, berkata, dia memahami tindakan pengusaha restoran yang mahu menaikkan harga makanan atau mengurangkan kuantiti nasi putih sepinggan.

"Saya cuma mengharapkan agar keadaan ini tidak berlanjutan terlalu lama. Saya sebagai ahli dalam masyarakat pun berhadapan masalah sama juga iaitu sukar untuk membeli beras tempatan terutamanya di kedai-kedai runcit," katanya.

Beras mahal, nasi putih mungkin tidak lagi RM1



BERAS MAHAL - Dengan harga yang semakin meningkat, peniaga nasi putih sepinggan terpaksa mempertimbangkan untuk menaikkan harga atau mengurangkan kuantiti nasi dalam masa terdekat sekiranya masalah bekalan beras tempatan terus berlanjutan.

KERATAN Kosmo! kelmarin.